

20 nov. 1752

I

SS. D. N. BENEDICTI,  
DIVINA PROVIDENTIA  
PAPÆ XIV.

*DAMNATIO ET PROHIBITIO LIBRI*  
*duobus tomis constantis Gallico idiomate, absque*  
*Autoris nomine, & impressionis loco in lucem editi,*  
*cui Titulus: Apologie de tous les Jugemens rendus*  
*par les Tribunaux Séculiers en France contre le*  
*Schisme, dans laquelle on établit, 1.º l'injustice*  
*& l'irregularité des refus de Sacremens, de Sépul-*  
*ture, & des autres peines qu'on prononce contre*  
*ceux qui ne sont pas soumis à la Constitution Uni-*  
*genitus: 2.º La compétence des Juges Laïcs pour*  
*s'opposer à tous ces Actes de Schisme. Tome I.*  
*& II. En France 1752.*

BENEDICTUS PAPA XIV.

AD PERPETUAM REI MEMORIAM.

**M**ILITANTIS Ecclesiæ regimini supernâ dispositione  
præsidentes, Dominici gregis custodiæ jugiter invigi-  
lare, ac oves æterni Pastoris sanguine redemptas à pernicio-  
farum doctrinarum venenis, quantum nobis ex alto committitur,  
præservare tenemur. Quapropter cum, sicut nobis innotuit,  
in lucem prodierit quidam perniciosus Liber duobus tomis con-

stans , Gallico idiomate , absque Autoris nomine & impressionis loco , cui Titulus : *Apologie de tous les Jugemens rendus par les Tribunaux Séculiers en France contre le Schisme , dans laquelle on établit , 1.º l'injustice & l'irregularité des refus de Sacremens , de Sépulture , & des autres peines qu'on prononce contre ceux qui ne sont pas soumis à la Constitution Unigenitus : 2.º La compétence des Juges Laïcs , pour s'opposer à tous ces Actes de Schisme. Tome I. & II. En France 1752.* Nos , auditis desuper plurium S. R. E. Cardinalium , aliorumque Sacrae Theologiae Magistrorum , quos ad praedicti Libri examen delegimus , suffragiis , iisque plenè , ac maturè discussis , de memoratorum Cardinalium consilio utrumque supra relati Libri Tomum tanquam continentem assertiones falsas , temerarias , scandalosas , piarum aurium offensivas , in Romanos Pontifices , Apostolicam hanc sanctam Sedem & Episcopos injurias , Ecclesiasticae Jurisdictioni derogantes , obedientiae Constitutioni *Unigenitus* ab omnibus sincerè debitae everivas , schismati faventes , schismaticas , in errorem inducentes , ac erroneas respectivè , autoritate Apostolicâ tenore praesentium damnamus , reprobamus , & prohibemus ; ipsiusque Libri impressionem , descriptionem , lectionem , retentionem , & usum , omnibus & singulis Christi Fidelibus , etiam specificâ & individuâ mentione & expressione dignis , sub poenâ excommunicationis per contrafacientes ipso facto absque aliâ declaratione incurrendâ , à quâ nemo à quoquam , praeterquàm à nobis , seu Romano Pontifice pro tempore existente , nisi in mortis articulo constitutus , Absolutionis beneficium valeat obtinere , omninò interdicimus. Volentes , & autoritate Apostolicâ mandantes , ut quicumque Librum praefatum , seu aliquam illius partem sive Typis impressam , sive manuscriptam penes se habuerint , vel in futurum

quandocumque habebunt, illum, & illam, statim atque præsentes Litteræ eis innotuerint, locorum Ordinariis, vel hæreticæ pravitatis Inquisitoribus tradere atque consignare teneantur, hi verò exemplaria sibi tradita illicò flammis aboleri curent, in contrarium facientibus nonobstantibus quibuscumque. Ut autem eadem præsentes litteræ omnibus faciliùs innotescant, nec quifquam illarum ignorantiam allegare possit, volumus, & auctoritate prædictâ decernimus, illas ad Valvas Basilicæ Principis Apostolorum, ac Cancellariæ Apostolicæ, necnon Curiae Generalis in Monte-Citatorio, ac in acie Campi Floræ de Urbe per aliquem ex Curforibus nostris, ut moris est, publicari, illarumque exempla ibidem affixa relinqui; ita ut sic publicatæ omnes & singulos, quos concernunt, perinde afficiant, ac si unicuique illorum personaliter notificatæ & intimatæ fuissent: ipsarum autem Litterarum transumptis; seu exemplis etiam impressis, manu alicujus Notarii publici subscriptis, & sigillo personæ in Ecclesiasticâ dignitate constitutæ munitis eandem prorsùs fidem, tam in judicio, quàm extra illud ubique locorum haberi, quæ haberetur ipsis præsentibus, si exhibitæ forent, vel ostensæ. DATUM Romæ apud Sanctam Mariam Majorem sub annulo Piscatoris die xx. Novembris 1752. Pontificatûs nostri anno decimo tertio.

D. Cardinalis PASSIONEUS.

*Die, mense & anno, quibus suprâ, supradicta Damnatio affixa fuit ad Valvas Curiae Innocentianæ, in acie Campi Floræ, ac in aliis locis solitis & consuetis Urbis per me Joseph Renzoni, Apost. Curs. )( JOSEPH OLIVETANI, Mag. Curs.*

---

ROMÆ, Ex Typographia Rev. Camerae Apostolicæ.  
M. D C C. L I I.



Chen

Wang

folio

o. 2

144

. A1

v. 2

no. 142

THE NEWBERRY LIBRARY